



**I Kam long Presiden Henry B. Eyring**  
Seken Kaonsela long Fas Presidensi

## Jisas Kraes I Stap Laef

Taem olsem blong yia i stap helpem yumi blong tingbaot sakrifaes blong Sevyia mo taem we Hem i girap mo i aot long tumb,

Wan taem mi bin stanap wetem waef blong mi aotsaed long wan hol blong ston long Jerusalem. Insaed, mifala i luk wan ston stul i stap long saed blong wan stonwol.

Be i gat wan narafala pikja i kam long maen blong mi. Mi tingting long Meri long emti tumb. Hem i stap krae from se Sevyia i bin ded. Hem i no save weaples oli putum bodi blong Hem i stap.

“Hem i tanem hem mo i luk Jisas i stap stanap long ples ya. Be hem i no save se Jisas” (John 20:14). Meri i ting se hem i man we i lukaotem ples ia.

“Nao Jisas i talem se, Meri” (Jon 20:16). Naoia Meri i harem save Hem. Hem i save se Jisas i laef bakegen long ded.

From se Jisas Kraes i winim ded, evri long ol pikinini blong Papa long Heven bae oli laef bakegen long ded wetem wan bodi we bae i neva ded.

Mi talem tangkyu long Papa blong yumi long Heven from presen ia we i Pikinini Ia we Hem i Lavem Tumas. Mi glad tumas blong save se Hem i bin pemaot praes from ol sin blong yumi mo i bin girap long Laef Bakegen long Ded. Mi testifae se Jisas ia we i bin girap bakegen, Sevyia blong yumi, mo eksampol blong yumi we i stret evriwan. ●

Oli karemaot long “Blong Spirit blong Hem I Stap Wetem Yu,” *Liahona*, Mei 2018, 86–89; mo “He Is Risen,” *Liahona*, Epril 2013, 4–5.

## Stori blong Ista



## Ista Stori Wil

Katemaot tufala sekol ia mo putum fas sekol antap long narawan. Mekem wan hol long medel mo holem tufala tugeta wetem wan pin o wan smol nil. Afta, tanem hemia antap blong talem stori blong Ista.